

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINSKI SUD U BUGOJNU
BROJ: 46 0 K 101027 21 K
Bugojno, 21.02.2023. godine

U IME FEDERACIJE BOSNE I HERCEGOVINE !

P R E S U D U

OPTUŽENICA: V.D. kći K. i majke I. rođene K., rođena godine u Z., nastanjena na adresi Trg Šehida br. 3, B., po nacionalnosti neopredijeljena, državljanka BiH, pismena, završena SSS, po zanimanju ekonomski tehničar, zaposlena u kladionici Sport Plus u B., neudata, majka jednog mladb. djeteta, srednjeg imovnog stanja, neosuđivana, ne vodi se drugi kazneni postupak.

K r i v a j e

što je:

Dana 02.08.2017. godine, oko 03,00 sati, u mjestu Prusac, općina Donji Vakuf, zajedno i po predhodnom dogovoru sa I.S., A.Š. i M.M. u odnosu na koje je kazneni postupak pravomoćno okončan, u namjeri sticanja protupravne imovinske koristi, iz pravca Travnika došli u navedeno mjesto vozilom marke „VW Passat“ registarskih oznaka vlasništvo S.I. gdje su u blizini trgovine „A3M“ vlasništvo oštećene M.N., parkirali vozilo u kojem je ostala V.D. kako bi čuvala vozilo i pazi da ne bi ko naišao kako bi mogla obavijestiti o tome S.I., M.M. i A.Š. koji su se uputili do navedene trgovine, a potom je M.M. šarafcigerom djelovao na metalna ulazna vrata trgovine dimenzije 190x77 cm koja je nasilno otvorio, nakon čega su M.M. i S.I. ušli u unutrašnjost trgovine, gdje su izvršili premetačinu stvari dok je Š.A. ostao ispred trgovine da može pratiti da ko ne naiđe i da čuva štražu kako bi njih dvojicu mogao blagovremeno upotoriti, a zatim su S.I. i M.M. iz unutrašnjosti trgovine oduzeli i prisvojili 4 kutije cigareta marke „Chesterfield“ svijelo-plave, 2 kutije cigareta „Aura“, 4 kutije cigareta „Code“, 8 kutija cigareta „Rothmans“ tamno plavi, 18 kutija cigareta „Rothmans“ bijeli, 4 kutije cigareta dugi „Rothmans“ bijeli, 10 kutija cigareta „Diva“ bijeli, 10 kutija cigareta „Marlboro“ bijeli, 18 kutija cigareta „Drina-Gold“, 15 kutija cigareta „Drina-jedina“, 30 kutija cigareta „Drine“ bijele, 3 pakovanja Start paket „Hej“ crveni, 2 pakovanja Start paket „Ultra“ narandžasti, bic upaljača oko 40 komada, bicevi za brijanje oko 20 komada, te su navedenu robu stavili u kartonsku kutiju i dodali Š.A. koji je odnio otuđenu robu u neposrednoj blizini trgovine, u kom momentu su ih ovlaštene službene osobe PS Donji Vakuf zatekle u vršenju krivičnog djela,

čime je počinila kazneno djelo Teška krađa iz članka 287. stavak 1. točka a) u svezi sa člankom 31 KZ FBiH.

pa joj sud temeljem navedenog zakonskog propisa, te primjenom odredaba članka 42, 43., 49, i 62. KZ F BiH utvrđuje

U V J E T N U O S U D U

kojom joj se utvrđuje kazna zatvora u trajanju od 6 (šest) mjeseci i istovremeno određuje, da se ista neće izvršiti ukoliko optuženica u roku od 1 (jedne) godine, računajući od dana pravomoćnosti ove sudske odluke, ne poćini novo kazneno djelo.

Temeljem odredaba članka 212. stavak 3. ZKP-a FBiH, oštećenica N.M. se sa imovinsko pravnim zahtjevom upućuje na parnicu.

Temeljem odredba članka 202. stavak 1. ZKP-a F BiH optuženica se obvezuje naknaditi troškove kaznenog postupka u iznosu od 110,00 KM i sudskog paušala u iznosu od 100,00 KM, u roku od 15 dana računajući od dana pravomoćnosti ove sudske odluke.

Završeno u 15,10 sati

Zapisničarka:

Azelma Trapo

Sudac:

Darko Solomun